

陸

氏

宗

譜

集

陸



東漢張氏世譜跋錄 雅文

天下之道二出與處也伊尹耕於有莘湯三使往聘而起出之時者也諸葛有王佐之才卧龍襄陽隆中昭烈三顧而起亦出之時者也嚴陵釣於桐江光武車駕聘之而起就館不屈乃處之偏者也伊尹大佐王之功諸葛小佐霸之業功業雖有大小而人品則無優劣所遇之時不同也嚴陵朋友之私其志可見其功不可得而知也予聞

張氏諱魯字公期者以先世功德授太學錄因胡元亂華

高宗南渡從幸臨安颺言於朝曰文以致治武以戡亂臣之職也今文非吾時武非吾職尸位素餐可恥之甚即退而避地湖東卜築蒔之社姥察其言而原其心其人下伊葛一等知時不可為而不為亦掛冠之流然能審已量力有君臣之義非嚴

陵之時可為而不為凝滯於物而隱之偏者厥配劉氏生子高
與正繼配杜氏生子德高子庠將有事於暨邑夜夢赤衣人曰
起又爾祖有陰德昌家豐產子孫百世在前程東演村也汝其
誌之翌明信步行抵三十九都少憇蒼莽間見蛇雉交感之祥
躍然而喜易曰吉事有祥神已知來昨夢是已詢其地即東演
也遂定居焉時宋季也於茲十有四世四百餘祀富庶矣其驗
如此厥子高以壽終葬於社姥古虞山首之旁其孫庠亦以壽
終自東演返葬於社姥王東山之曲松樹下亦有生不忘本之
意也且浙東名區自南渡以後避亂而來者多或以左村而變
為右族或以右族而復為左村張其姓者難以枚舉惟婺之杜
姥嶠之各枝與暨之東江同姓同族外此皆非族也不妄系以
亂宗法斯為孝子慈孫張之裔其誌之哉豈醜此鷄主人謹跋

東演張氏宗譜舊叙

錄舊文

余自南宮引年東旋抵郡驛值弟對司子觀竒五洩過暨陽宗氏松坡宅松坡與同里東演張氏為世戚偕弟囊其世系詣余索序余倦勤還政不親筆札久矣以松坡子之遠來兼隆張氏之孝思故終不以耄辭嗚呼姓系宗牒之不明於世也久矣昔魏元忠作世系錄王僧儒改百家譜而猶不足徵何耶以其不明世本之書故爾今論一氣之源則本於天自玄黃既判之後天下之受氏者多五帝三王之子孫而皆始於庖犧氏之一人焉有盛而蕃有萎而萃其理有同然也人見其常有顯人也則謂之著姓見其無有達者則從而賤之貴賤豈有恒哉在久焉爾天下有貴人無顯族有賢人無賢族先王宗法之論悉矣夫宗法之存係於子孫子孫賢則能守宗法以續譜牒譜牒續而

著則人倫明人倫明則尊卑因而序親疎因而別同異因而辨
貴賤因而分其漫散紊亂之弊無有焉余觀世之名族子孫相
傳閱千百禩而不墜者必有盛德至善以為之基而又能防範
扶植以維持其變是以薰涵漸漬以成風俗及俗之成耳目之
欲皆足以化身心用能不脫於世故以守其遺業苟無德以培
其本無法以貽後人雖以天下之大猶懼其不能保而况於家
族乎暨陽東演張氏之先世居汴之沛豐自宋魏國公浚之季
子諱魯字公期者有故園離黍之嘆避地南遷於宋紹興初首
事吳寧之社姥既而其孫庠轉徙東演祖孫相繼德厚流光澤
及後胤故其子孫克守宗法以續宗譜為百代不朽之規俾後
人嗣而緝之不安援以誑於貴族無謂裔以溷宗支一循乎世
本沂源一氣之理是皆今日之舉有以階之也余於張氏有厚

望馬是為序

昔

皇明嘉靖乙丑季秋望有三日

賜進士第資政大夫南京兵工二部尚書兼都察院右都御史

同郡新邑沃洲山人呂光洵書

張氏會宗譜卷之一

續脩暨陽東演張氏譜叙錄舊文

張氏之先原係黃帝軒轅氏子青陽王暉為工正觀孤星造弓矢主祀孤星因氏焉後至周宣王時有張仲孝友為時名臣歷列國秦漢晉魏唐宋代有聞人若留侯子房真人道陵公藝之尚義九齡之忠蓋玄真子之高隱勲業則魏國忠獻公清儉則文節道學則橫渠敬夫先生輩派雖不同總皆張氏裔也茲暨陽東演張氏始祖諱魯字公期者始居汴之沛豐以文學著授國學錄以時事日非抱鬱快又掛冠買舫觀風臨安周遊諸郡歷覽名山大川遍求善地為隱居之計於高宗紹興元年至吳寧之社姥忻佳山佳水怡然若有所遇遂返沛謀諸婦曰與吾受羈勒於偏安之地而見嘲於忠憤激烈之士孰若貴迹立園以自淑乎吾於浙之吳寧獲一美境曰社姥歆與爾等往遷於

彼柰何劉杜二氏偕三子高正德怡然從焉遂購址作室於金山下居之高生庠正生庭德生廕厦其諱庠者又自宋季屏跡暨陽之東演村生一子易易生四子勤儉致睦嗣是子孫振又蕃衍迄今幾於什伯宗譜則續於

皇明嘉靖乙丑禩計十三世今又衍盛十六世矣其間隆替相仍宗枝漸入散亂昭穆幾於混淆宗老洎族之豪雋悵然而歎新之有南林君思訓仰渠君世寧紹山君世貫敬山君世勳等蓋張門翹楚也今冬議請同郡新邑心裁呂君嗣緝詳覈考訂辨其魯承之訛正其安郭之冒觀其系畝系傳以遷固之筆而參倣之以歐蘇洵可為外史立赤幟者予與呂君為姻婭索予為序予嘉其稽核之美兼張世族之鼎盛故不辭踈陋而為是云

皆

大明萬曆丙辰歲季冬上浣之吉

賜進士第奉政大夫南京尚寶司卿前湖廣兵備副使

同郡古剡海門居士周汝登撰

蘇州府志卷之十一

元 十 二 學 錄 公 遺 像



學錄公像讚

贊曰

抱德冲虚秉性沉着堂集三鱣
庭隨一鶴時不可為離黍寂寞
尋幽山水社姥是託腹筍琳瑯
吐萬一於著作惜公者謂不入
紫嶽之閣而公之悠然胸次獨
得夫啓期之三樂

弘文館侍班吳寧鄭自立拜讚

宋故 太學錄張公墓誌銘

宋紫金榮祿大夫大司農戶部尚書同邑鄭楷撰

人列三才之位孝為百行之先為人父止於慈為人子止於孝
浙東婺之上郡曰東陽去縣之北三十里地名社姥有孤子張
德啣哀乞銘予乃搦管公諱魯字公期世汴沛豐人也少即穎
慧恬神翰苑有司以異材薦於

朝職授學祿為事異世殊擺脫名疆沉潛詩書之府優游仁義
之域悟子房見幾而作笑傲烟霞

宋高宗駐蹕吳會隨駕往臨安省親謁父魏國公父問曰好樂
何如對曰知止不殆知恥不辱父知其意遂使周游諸郡觀諸
古蹟以適其情至紹興元年涉東陽社姥之原欣然若有所遇
擴業開基遂卜築焉遠迎春屬偕其三子發祥於斯公生於元

祐癸酉正月十九日子時終於紹興三十一年八月初二日午
時於是月壬申葬於張里墓之原孤子德請銘鐫石元配劉氏
生二子長高次正紹興二十七年三月三日辰時葬於同里繼
配杜氏生一子曰德兄弟雍睦鼎峙成家淳熙十年九月九日
杜氏卒遂合窆焉諸孤因感蓼莪之詩為之銘

銘曰

雲山蒼々江水泱々椿庭霧慘烟鎖北堂裔之流瀆
沛豐汴梁夫和妻柔恩義難忘孝思維則痛裂衷腸
養生送死終焉允臧追慕罔極山高水長

大宋紹興三十一年三月望立石

明故 東山張隱君墓誌銘

東山張隱君

清朝逸叟也諱鎰字

東山其別號震十七其行者世家暨陽

醉石翁次子大父諱梅翁曾大父諱讚翁世尚高隱不以仕顯
隱君少而聰明特達人皆知為亢宗子和易之氣度又足以令
人親愛弱冠能肩父兄之勞髮膚不以自愛醉石翁獨種之事
不任長而惟隱君是任學業雖已貫穿二百進取可如捨芥獨
世席殷阜出入料理貴賤徵值課稅輸歛心分而志莫展矣一
意脩德在英發之年多所蘊藉居然耆宿長者里中人欽其行
誼九事多奉以為則諸有不平得隱君片言而忿冰釋慙頓世
業毫不為垂涎者所侵漁家日隆起義問炳赫露冕竹春之
賢有同事必諮詞而隱君非再召不入公室即入公室惟公言

問閭疾苦與夫不便於民者必竭力陳言造福處多隱君未嘗
一德色也飲人以和允薰其德者置靡浮薄之習悉化為畏壘
之風氣過其門寂如煦如者不問而知為隱君之居也行其庭
雍如穆如肅如者不問而知其為隱君之堂也接其人恬如溫
如怡如春風醇醪者不問而知其為隱君之佳子弟也舉七十
之觴人祝九如而隱君答曰從心欲作青門隱百務從他且息
肩塵累屏絕優游耄耋賚志逍遙遊矣辟穀日為萬曆丁未三
月十三日 時距生嘉靖辛卯十一月二十四日亥時享春秋
七十之七壽躋杖鄉而 國非仁如隱君安以得此元配方安
人壺德孔宣孝慈垂範而佐夫子伏羲之舉者雜珮屢解略無
吝色女史之可編者生於嘉靖丙申正月初二日卒於

續娶蔡安人生於嘉靖丙辰十二月十八日卒

於崇禎壬午 月 日 時合葬烏株聰騎龍丈夫子二長
世功次世勦孫男九五師黃國相皆功出國士國光國傑皆勦
出曾孫男三人選達逸皆師黃出玄孫文瑩則選出也隱君厚
積而流長顯融昌熾其有既乎廼為之銘

銘曰

玄儀峻構質婉琅玕鎮情岱嶽挽勢狂瀾抱德潛隱紛華
罔于香名之滿人耳近之者如入芝蘭大悟笑看滄桑隱
兮顯兮惟其所安烏株聰之騎龍山環水秀宜藏人世之

鳳鸞

昔

崇禎壬午候之藏水

賜進士弟承德郎翰林院左中允

通家侍生周鳳翔拜輯

張氏
作
言
春
之

明故 震廿五龍溪張隱君偕元配呂淑人續娶高安人

合葬墓誌銘

龍溪張隱君

明時逸叟也以萬曆己未八月二十二日巳時辟穀去迨梓宗
乘於崇禎壬午墓木蒨葱而墓石未鐫賢孫官相宦游歸錦追
維祖德丐余言以闡幽光余按世系來自南渡魏國公浚公後
人姓張氏諱錚字 別號龍溪震二十五其行也曾大父乾
六府君大父有十七府君父豫五十四府君皆潛晦弗耀積產
與鍾鼎埒富隱君天賦慧敏歷代名言詞壇雅韻諷詠之餘透
悟有得人以過都越國相期許獨為冢子古人云殷阜之家塵
累繁重隱君性又純孝纖巨身肩弗獲專精董帷進取之念心
分而莫遂矣然知足寡營不屑於錐刀之末周卹之義施又

張氏傳 卷之二
里中人所稱爲惜悌君子者嘗自言太公以財爲泉府義取運而不積吾又何以多藏爲是以丁青黃未交每罄所貯以貸親鄰各得舉火秋而有年償者與逋者俱不之問也方其少壯其志矯又及耄則割方爲圓見者親比如茅柔而人思藉之容人之度不似先之區別善者加敬倍昔即不自淑者亦藏垢焉汪洋若千頃之波語云積水成溼積善成福君惟積之淵深故粹葆天和以迓滋至之福卒之日距生於嘉靖庚子八月二十三日申時壽登杖 國矣元配呂淑人壺德彰茂淑慎端良杼軸組紉浚則朗標何彼蒼之不眷德躋碎珠殘而戚屬誰不痛失姆儀也生於嘉靖辛丑正月初一日辰時卒於萬曆己丑二月二十一日續娶高安人德儲香閨歸于隱君綜理中饋一稟呂淑人芳轍視三子如已出三子事之亦如嫡焉隱君沒後家益

隆起則安人拮据之力也生於嘉靖丙午七月二十二日酉時
卒於崇禎戊辰正月二十九日寅時合葬於陳繼漈壟丈夫子
三長世華次世東三五元孫男七人官壽官相仕運儲都閫即
今之請銘誠永言孝思者官勝官福官宰皆世華出官守官德
皆世東出曾孫男九十瑞顯官壽出瑞麒經營四方徵貴徵賤
大得計然之策可稱亢宗瑞虬瑞彪瑞英瑞慶皆官相出瑞光
官福出趙壽趙福趙瑞皆官守出咸金相玉質傑出一鄉德延
於世隱君有之乃為銘

銘曰

何以厚生總茲百祿何以篤慶華茲似續傑出之彥鄉邦
是淑猗歟令德允也馘穀撫又佳城吉從其卜鬱又者松
苞又者竹哲人攸藏如金如石漈壟之墟過者必式

孫百會
仙宗
言
卷之

肯

崇禎壬午肆樂佳辰

吳寧舉人盧懋夔頓首拜撰

繼山張隱君墓誌

繼山張隱君以萬曆丁巳十月二十日辟穀去余與君蘭味有加厥孤師黃國相謂余荷

新命將赴瓜期以慶者駢集不遽以凶事告余聞而匍匐往吊心怒焉淚潸然二孤乃涕泗道曰大人稔知先君質行今卜兆在茲墓石之琳瑯遺命以丐大人倘賜玉唾而泉戶生光存歿啣戴余雅不藏人善如繼山君又安忍使之無聞就於靈座下據夙所景行而誌焉君姓張氏諱世功字繼山其別號節十

一其行者為南渡侍駕宰執浚公後人父東山翁富過程羅兼以廣施博予環而左右之都鄙則盡人皆飲德者隱君其冢子居嘗每囑之曰昔太公望以財為泉府義取運而不積吾席先人之餘又益以拮据充擴不宜多藏以基禍隱君唯唯聽命正

貢應輸里甲之不能應者先為之納全其逋負之頑名省其胥
役之煩擾有緩急者不聞則已相告者若取諸寄大建華棟培
植四時花卉點綴不凡位置有次屋傍溪濱洪水泛淤隱君多
收於圖籍策計某地宜堤某地宜墾以授佳兒將來陌阡疊飛
此為大展良謀也規模宏遠猗歟盛哉其器宇浩曠性度融夷
接人以忠不浮靡以為口惠是非好醜灼然於中顧多務含蓄
而發於義者侃侃如也其刑家之孝友義聞浹人率之日莫不
歎歎悲咽欲起隱君而不可得也生於嘉靖甲寅四月十九日
寅時逝於率之日享春秋於周天之四矣葬於義烏十四都樣
山元配斯淑人蘭蕪爭賁令儀冠諸九族且羞旨盛腆宴享協
宜德必宜壽迺享遐齡於未艾也夫犬子二長師黃武庠生次
國相孫男三人選遠逸曾孫男一人文瑩蜚英聲於邑里珠玉

盈庭隱君之


榮贈又有待矣是為誌之如此

肯

萬曆丁巳候之隕霜

賜進士策中憲大夫知江西廣信府事

吳寧春侍生李為京頓首拜撰



明故 震廿九望山張隱君偕黃淑人合葬墓誌銘

文學張子名益遊於余門有年矣今捧家乘欲請其先大父銘載之乘中以闡潛德百頓於前曰先大父墓木將拱而墓石未鐫誠為缺典師臺玉噴九天海宇共珍倘得片字以光幽扃俾九京生色存歿咸戴高厚矣余以夙誼不得辭迺按狀而銘之

隱君姓張氏諱鈕字

望山其別號也震二十九其行也生

而清襟蘊秀雅度葆和以世尚潛隱乃悉歛胸中所學不亟以自逞日左右於二人之側溫清無間進饌以時食畢而請所與以體二人之餘懽金昆玉友藹然聚順於一堂撫子侄睦如良友巧如導師與人交盡剷智囊鋒刃一切以善氣迎之手不親握筭而朱提日纍之座右疆界肆闢華廈聿新皆其力之所贍一遇豪俠浮巨觥以厚款凡飲其醇者誦義過於寰區鄴架

覓充以待後之能讀不倚素封以侈靡相高有如古者專一壑之美身重於宇宙而恬貫於紛華者黃淑人閨範克備姆儀可程敬事姑舅靜好瑟琴熊丸立教不減柳氏高風中饋延賓綽有陶慈令德可謂媲美於太妣善嗣乎徽音者與望山翁年將杖鄉高居腆奉娛心志而樂餘年生於嘉靖壬寅四月廿四日辰時卒於萬曆壬寅十二月十八日黃淑人生於嘉靖乙巳六月十五日卒於萬曆戊戌十二月二十八日後先辟穀皆所謂得全全歸矣佳城卜吉於本里烏株嶼之原丈夫子四世劫世勛世勤世勛女一適蔡 孫男十四人天奇天英光宗先祖

光國皆劫出國梁國英國賢益即今之請銘不父泮池中物顯隱君者在指日國俊國瑞皆勛出國輔國任國偉皆勛出曾孫男九十六祥鳳天英出進邁連捷皆先祖出彬權皆光國出昂

遂國梁出鼎文鼎秀皆國英出鼎儒鼎神鼎貴鼎龍皆國賢出
鼎美國瑞出道升國輔出德延於世惟隱君有之矣廼為之銘
銘曰 隱君儀度其玉質而金相隱君才智其博洽而擅長
生平行誼其馥馥而垂芳視鼎鍾如敝屣則又所嗜
烟霞之味香猗歟烏林之嶺鸞鳳迴翔山之秀兮水
之泮允矣乎千秋祀享爰待

焚黃

一
皆

崇禎壬午候之推元

賜進士第通議大夫協理府事詹事兼翰林院侍讀學士

山陰瑞星錢受益拜撰

孫氏會作完言

明故 先考節十九紹山府君行狀

先君子於

今上崇禎壬午五月二十日卯時辟穀去不孝

守義腸迴九裂恨

百身之莫可贖也又苦力綿不能請縉紳先生之言以耀幽潛
又以縉紳先生之言或略而不盡盡而無當也於是耿又心目
者自涕泣為狀先君子諱世貫字 別號紹山節十九其行

也生僅週歲在抱呱而母氏楊即不食新幸繼母陳賢淑而
才嘗口口鄙薄閔氏母撫先君子如已出大父震十一翁貲原
不鉅而慷慨好施動輒傾橐至先君子弱冠有家遇事肘掣與
母氏胡盟曰家計蕭索各宜操綜母氏婉慧多能一切閭以內
不煩先君子心中饋井又機杼之聲達丙夜先君子朝則課耕
夜則忘寐近母氏機燈披閱圖史協力於羞其具脆以承二人

懽報陳之慈撫者孝真不間於人言大父染疫鄰親皆避去先
君子獨侍湯藥衣不解帶及襄大事情文兼盡聲所有以送死
不一干及諸伯父也見其事三伯父恪恭唯謹毋論佳辰讌享
即蔬菓薦新必懽集移時不減華萼樓風味視猶子訓撫愈於
不孝食指繁而析大父欲以私置應坐還先君子先君子跪請
於前曰荆分已自不忍業私又何以安一切崇讓大父悅甚喜
而言曰和以致祥將興之兆也宗祠久圯靈無妥所倡議崇建
華棟雕題先塋叢雜又刊某府君之墓石於前兩置清明祀產
令粢盛足供簠簋之腍子孫咸沾厭飫其所以慰在天之靈貽
雲來之胙者仁孝之極思也性好佞佛不吝多貲以建雄殿於
水口割腴畝以供篆烟土穀之神造福於一方者新其廟貌莊
嚴其像今之捍患錫祉時若雨暘允沐神庥者誰不曰伊誰賜

哉徒梁成而人不病涉崎路脩而行難亨衢邑有不平多質成
於先君子豪右微寒不相軒輊一一折衷以理比又心輸鼻祖
學錄公式廓吳寧之社媯社媯靈巖為胡公顯聖處割山阿以
為廟八月十三其誕辰也高旗蔽天響器震地台紹溫處與八
婺之慶祝者人以數萬計居隣杜氏亦冒檀樾每中秋至集族
亡賴強收炤聖之燭宗人寡而杜衆健訟者欲佔居首宗人計
無所出匍匐而謀於先君子即助祠貲以供途費拉族之能事
者共白當道致祖功宗德之不泯焉一日讀賈太傅傳曰夫聖
人者不居於廊廟則隱於卜醫遂博搜軒岐之秘三指陽春一
七起困其全活里中人不知允幾若植杏可成茂林生平不屈
志於軒冕頗稱強項惟處財一事大能忍人鬻產者必倍值貸
而負者輒勉自解釋第嗷但存方寸地留與_子孫耕而已允此施

予稍有不足母氏即脫簪珥以勸之然盤桓詩酒遇騷墨之流
即十日飲母氏之備饌益虔先君子義聞遠播者母氏相成之
力居多先君子未嘗孳孳生息惟衣不羅綺食不蕪味不孝每
博一珍錯進即蹙然不悅以儉而積積織成鉅棟宇田園差較
素封今不孝子若孫贍糊口及布素之蔽體者皆先君子辛苦
中之所遺即一飯能下咽哉病無起色執不孝手而訣曰吾置
書雖不及鄴架足備孫讀勉力課之母在高堂辛勤白首有汝
夫妻之善養吾無慮也但吾有不了之局譜未付梓昔太史將
不祿執遷手而訣曰先世顯功於虞夏余不克終今死汝必繼
祖為太史為太史亡忘吾所欲論著前人格言若此吾存之稿
汝持而訂正於振南君佩兩作者蚤竟此局數言固治命也不
孝會淚而識之嗚呼痛哉言猶在耳事敢忘心迺簡笥中稿以

壽匠手家乘就粹矣乘以紀賢展轉痛裂之腸少述潛德之一
二昔王哀於蓼莪詩不忍讀不孝守義於先君子劬勞何等哀
衷而忍於言不忍言是以灑淚捫胸言之不盡云爾

皆

壬午日長至祭畢而哭告於

先君子之靈几

不孝男守義泣血拜狀

孫子會作言

卷之三

贈 思山張隱君行紀

嘗讀高士傳曰亦有哲人獨抗高志允稟潛德者曾不以顯名
厚實稍櫻其慮故獲享宇宙之大年而優游於安樂洞天何也
嗜慾淺則天機自盪與物無競者以此居身元吉者亦以此思
山張隱君

清時韜光君子也為望山翁之次舉子望山翁座有朱提思山
君席而有之允人處此有不期驕而自驕不期侈而自侈者隱
君則謙謙自下作法於涼嘗謂識鑑惟新德鑑惟古日手一編
有會心之格言即揭諸垣楹以自規而曰人生處世既不能吐
竒攄丹泥鴻名於青雲之上亦當砥節勵行無瑕可摘著懿美
於鄉閭之間其事望山翁也公私百務一切身肩致望山翁道
遙寡營詩盟酒社飲而陶又旁指思山君笑曰老人臨食不

其寢不魔伊誰力也友恭天顯讓產有孟嘗風周人之急切於
自需不亟又於索償解人之紛諄導以情理甚至出盃酒以
調停無有不心輸者阡陌蠶飛環而一鄉強半隱君之困廩也
建醮雲之甲第雕題藻飭大穰美觀是以時論之品隱君者謂
其才略揮霍而不因陋就簡則東都之郭况也其異言有味聆
者無倦則西京之東方朔也其處事公忠而人多景從則北海
之王彥方也其廣結納好施予遐邇之佩德者讚之如四君云
暨陽多湖鄉田屬波臣者連歲菜色嗷嗷君惕目心愴即出囊
金捐廩粟炊粥以贍之活人無算德施厚矣語曰活千人者必
侯君之存活何啻千人是以濟濟象賢雖少荀氏之二龍已倍
薛家之三鳳森々蘭玉諸美少年胸羅百代名擅八厨益以隱
君之課讀指日飛步天衢隱君得荷

金章之異數以食必侯之報寧僅之如有司之旌譽乎哉是為紀之如此

肯

崇禎壬午候之一陽生

賜進士出身文林郎山西道監察御史

山陰吳邦臣頓首拜撰

張氏會修宗譜
卷之三

叙張公思山文

張翁諱世劬號思山者識慧本乎天授醇質埒乎性成即運遠
隆龐遽然有皇古之遺以見良才不乏下里長者每出窮鄉儼
昔怡情鯁矩樂志丘園葦蕘以加矣故其克光令緒聿振家聲
譬之子上之駟無可量也於焉稽之其才贍其體豐晤對之頃
變化萬狀猶然璇淵碧樹之宮中多魚龍爵馬之玩然又慷慨
多國士風視錙銖小利有捐棄不顧之致所以將有為也將有
言也一若九阪神駒之步三年大鳥之鳴軒趾高喙匪夷所幾
由是刑家儷美君陳訓野堪誇幽頌福履致螽羽之瑞而六出
其竒室人增繼起之音而三星其數不止此也導子就職文林
與贊庫交充棟宇維崇新居較祖構倍麗視夫守窮廬而畜敗
類者何啻楚江蜀山遙迢萬里也自是編戶里居以暨親朋每

有紛戾出而解之砥如也庸有幾事質而籌之鑑如也若外侮
之侵挺然禦之翩翩有肉視虎狼之概焉是誠族氏之指南邑
鄉之麾幟也偉哉喬望曷勝仰止之思歟若乃捐貲以賑嗷
之衆此又其餘事耳張公之德不竟此

後學眷晚生呂仲仁拜謨

張君諱紳者於越人氏胸中有奇挾贊賈郢丙寅之秋以鼓鑄
佐軍需崔工部有特達之知甲戌之春以甲冑冠諸軍吳工部
有總督之委且也埋暴露廣澤枯骨遇瘡痍不吝湯藥雖不能
如才士之中雋而行誼性植若有異人授者乃知邁種積德母
氏有以肇基之矣先君諱世家髫年試輒前茅母出自陳門生
于辛酉十一月十五日年未及笄即諧伉儷甫一載而先君即
以苦攻棄世遺腹八月而生子一龍即紳之乳名也冰霜一念
存沒無貳至于棄膏沐謝驚華動紡績孝舅姑歸奉以時教子
以方真暨邑中之表者耆碩里迺具以實聞府州院道縣旌
開化完貞獎語弱齡矢節而冰霜垂白不渝乳腹培孤而貞壽
含飴可表府旌從一持操道旌旌揚貞節終于壬子八月十一
日殯殮以禮寵與媳蔡氏守靈十載宛如在生一般至精爽赫

奕托夢描真焚膏自戒又如低語呼寐而通靈者種不一及
厝靈於長龍之崗復廬墓三年直欲入而賦大隧之中蓋以答
其報本之思哉嗣復蔡氏生子五長子名仁娶金氏於崇禎五
年臘月割股救姑天真世篤而滿門節孝瓜瓞綿綿不啻膾炙
人口哉余向常觀風浙地因識其懿行可旌今復樂觀其鄞中
行事并為叙以匡竊世之不逮云

大中丞華容孫穀

今天下車書一統惟擇通今學古者而官使之誰知古名鄉碩
輔起家豈盡由文墨哉所重者孝植其根至使命不辱而行已
不愧古人如張君諱紳者越人氏也先君諱世家髫年試輒前
茅母陳氏亦以年未及笄即諧伉儷甫一載而先君即以苦疾
棄世遺腹八月而生紳少孀獨孤相依為命冰霜一念存沒無
貳至于棄膏沐謝繁華勤紡績孝舅姑歸奉以時教子以方真
宇內之表也而貞烈傳所不多得者耆碩其實聞上若縣若州
若府若道若院一切獎語不可枚舉至弱齡矢節而冰霜垂白
不渝乳腹培孤而貞壽含飴可表二語傳之不休迨不諱與妻
蔡氏守靈十載及既葬復廬基三年追思遠慕誠哉事死如事
生事亡如事存者都人士公知其為越之順子抑知其為荆之
才人哉至丙寅秋以鼓鑄佐軍需部主崔有特達之知甲戌春

以甲冑冠諸軍部主吳有總督之委乃丙子之夏流賊薦食全
荆危如累卵而紳獨奮不顧身不乞兵於司馬之門不請餉於
司農之堂衝鋒破敵斬級無算不若滋蔓無策者其爲荆沙之
福不少矣本部移文疏請如劉云謀勇堪資捍禦荆沙著有成
功而三院錄功優叙良有以也方今朝庭三途並用以奇功受
上賞行將矢心報國爲天下望是紳移孝以作忠天子亦能酬
忠以報孝也因誌之以見忠臣出於孝子之門并爲序而梓之

主政石璣珉贈

丁丑十月之十日三素痴人蔣杰書於夢露草堂

潘憲

贈 明將軍振南張君行紀

語曰不登閭風安以瞻殊目之形不步景宿何以觀恢廓之表
故不得振南君之深情無以測達人_之舒卷振南君姓張氏南
渡來魏國公浚公後裔瑞於賢節陳淑人之腹者僅_三兩月尊
人繼渠翁即辟穀去所謂不待教而成者君其人也攻苦九能
下帷揣摩靡間寒暑依_又於母氏機杼前口不輟呶唔如賓王
云偉龍章之秀質騰孔雀之俊年人孰不為君屬望乃就試文
宗而和璧徒獻一日閱諸名將傳勃_々欲逞浩然長嘯曰寶劍
先生太乙躔勤 王有志勒燕然其自負如此獨以英姿尚可
待_向母氏寢_又孤闈寸步稍離致煩嚙指承歡之職安在陳淑
人賢母也時_又勉之捧檄而振南君之深情則決於鷄黍之逮
親存也及陳淑人不祿大事厚勤苦塊廬側曾來白兔呈祥純

孝之稱億萬口無間釋吉而伏劍以副有事四方之志小隱於
賈策邁計然九數疊朱提而屢散之豪俠鴻名重於三楚會

司農石公開鑄局以佐公家之急厚幣徵君督其事君筭鞭

畫地鎰兆銖鈔毫不漏於鑪鼎手時丁狂寇不軌蠢奴騷動師

行糧匱君解錢以備藟糗大壯三軍之氣夫漢高帝馬上得天

下功首鄩侯諸汗馬之勞先登之伐者避席不暇豈非餽餉不

乏三軍所天斯為制勝之上策歟錢之泉府聚於荆狂寇驟集

城下司農公籍甚疇張問策於君君曰事切救焚遂揚麾誓

衆伏劍訓師何啻玄氣結陣影密西郊赤莖揮鋒氣冲南斗一

再鼓而亮黨山崩司農公喜而嘉許君曰國士無雙草檄以

奏君最績授以都閫爵秩君曰奮不顧身者非以徼祿九以報

明公之知遇此君之深情也君之深情以忠孝為前茅以神仙

為退步顯名厚實蚤已勘破為身外物飄然賦歸菴圃栽花園
林交錯視花譜不加少几案扶踈比瓶史而猶泰進酒不必艷
姬侍書多情聰豎坐則養和之几看惟得意之書延騷墨之流
客得可人言皆有味差擬蘇軾之義尊架上五車舐筆和鉛令
森々蘭桂開卷有得鳳毛翩翩昔稱王謝子弟今則可為振南
君羨矣但今 國步多艱正英雄用武之地振南君功略重
朝野誰許又生髀肉耶余也拭目俟之

昔

崇禎壬午候之葭管氣升

賜進士第承德郎詹事府左中允

山陰周鳳翔頓首拜撰

孫氏會修宗譜
卷之三

贈名將軍振南張翁素位紀

能將軍若張翁者始曰壹龍繼曰紳號則云振南也於胚胎中
先君已應緋衣人召矣故郊而俟翼如縷繫鈞惟母氏陳令人
秉不磨心罄歷諸艱而恬長厥生振南翁值爾齡甫舞象沐母
懿訓志已不自菲薄輒思顯身揚親以效蛾子時術之義用是
列圖董帷不減匡山十年苦誦如是則掄才宜首契矣柰世之
為魏田父者象懷抱結綠屢售不買噫吉人之類有是哉伊時
鵬程之志每日思奮但母髮漸鶴身未可出也姑豹藏庭幃卷
卷無方之養而已暨母氏羽化大祥告終廬苫內咸稱盡誠振
南翁則曰吾疇昔之志未酬其如母訓何遂伏策南征至荆都
而止駕依然作破釜沉舟之舉試問誰無內顧慶振南翁胡以
得此蹉脫不羈以其有賢夫人若蔡慎淑者克調內務有賢冢

君若紹南甫者堪理外繁此故得盡匪躬節於荆域也振南翁
更稟性正方不屑蹈陽鱈習態因艱于遇而逍遙作無事炊者
累時及方正著聞薦章鵠起雖不即踞津要亦暫董鼓鑄者數
秋然大才不壹遇有日忽以寇至告沙草兩境幾盡烟火此政
利器繇別日也衆皆病憊不知所出振南翁荷

司農石公推轂任即稱戈比干深踐戎馬之場兵不足則以鑪
工三千率助豈生亦受圯上書耶何殲厥狙猿一如舞高陽劍
輒舉拾下也繇是石公編其勲以啓

當宁當宁即以手詔嘉焉以為後日之武功勸古曰受祿不誣殆謂
此也振南翁暨功成時已拾餘年於外矣報命之既遂浩然有
歸志有如太白公曰事了拂衣去且藏身與名同意歸之日囊
筴古書壘尺朧又以迪後加心矧蘭桂盈又殊多佳器下車時

即出所筴書班之故掀天之技萃然而歲古稱寧馨兒當不越
此歸踰數年

當事者以為美績難忘復以喬遷之命至迺振南翁祗以過客
視之則不復南嚮焉惟歡然於庭塾間作一洞府羲皇耳據鞍
輦何啻軒輊哉操觚誌之殆可以風

肯

崇禎壬午夏至之日

春曉生呂仲仁頓首拜贈

新刊會宗詩卷之三

贈 雙懷張處士行紀 晉三十九

美譽馥秋蘭此構李紳士所口口以讚雙懷者余每誦張正見
詩曰塵隨幽境淨嘯逐遠風清韻哉此詩迺知聲譽之鵲起不
獨重於軒冕也夫雙懷君潛如隱鳳父紹山翁一變已足少時
珍之掌上及長而聰穎邁倫就外傳而冠群蒙獨以父紹山翁
勤勞起家乃與鄭淑人盟各竭胼胝克勵於守於創隆建華棟
外庀材而內備廩餼以養父於逸紹山翁益心賞之聖門公西
華父子以朋友處者紹山翁以之今世之跣上堂跪斟羹三時
百拜而奏酒慧目觀之竊擬其非率天真何如雙懷之事二人
不必海錯山珍即時新蔬菓必怡色將紹山翁味而其飲而
神王笑語胡淑人曰貧而樂吾父子差足自遣紹山翁愛延騷
墨雙懷輒備十日飲以盡其綢繆愛周窮乏之所識即多方措

處以聽其施予喜和俗遇有闕者即佐父以調劑好佞佛則隆廟貌以遂父須達長者之心諸凡家之當務如宗祠未建殫財力以滿父之孝思祀田不足以供粢盛則廣為設處以實俎豆最所難及者族之諸祖諸伯叔無後而類莫教氏者雙懷皆為之置產以免其餒而之嗟仁孝永思誰其似之家譜未梓慮父之手澤或湮也不靳巨費而壽梓人二老垂白而雙懷髮亦斑取漿而仆弄雛而啼彷彿乎老萊子之故態引嬰兒於階前黃髮垂髫陶然娛樂其桃源之遺俗乎及紹山翁享遐祉而從赤松遊雙懷墨瘠焦枯幾類死孝饋奠之哀聲慘天地惟以老母在堂承父喜事之囑少自慰勉廣卜善地以為父之安土愛日萱堂超又於藿食之養居闔門御衆以儀軌自居見哀容而不覩喜色有俠骨而無柔情有清議而無綺語象賢九四資敏

者延名師以授經材辦者命之佐理家政蘭桂遶膝日含飴撫
摩里中人稱其珠林玉筍國寶家駒非其肖子即其文孫而雙
懷得以逍遙寡營適志名園洗竹灌花日與鄭淑人澠醴奉萱
堂歡飭其餘以與二三同調尋盟佳山秀澗間自謂英雄玩世
進則圖畫麒麟退則問友猿鶴青山亡恙丹簡尚虛吾之豪氣
雄心業已悉歛安得棲遲洛社華山以老哉雙懷之曠度如斯
余北上公車一謁而傾蓋如故適其乘梓將竣詩有之無德
不報無言不酬不揣不斐聊述其大都以表而出之

肯

崇禎壬午候之一陽生

吳寧舉人趙忠謹頓首拜撰

張氏會修宗譜
卷之一

贈 運儲都閫玉環張公行紀

昔人有言丈夫負七尺軀得志則銘昆吾之冶勒景襄之鍾不得志則解龜組於通都反褐衣於丘壑此所謂不凝滯於物而與世推移者達人之高致也暨陽張都閫公名官相字 別

號玉環者南渡名臣魏國公浚公後人少而矻矻董帷讀而玩味有得識者已蔡其不奮跡清流亦起家武弁試而不遇即棄去鉛槧不屑又於甲乙以取世資惟歆博鼎養以承權兩尊人志切邁往乃挾資仗劍以游山以東會海氛不靖登島揚波

朝宁拊髀思將之日正壯士鳴劍策勛秋也時事多艱兵分而力單餉分而食大窘良工心苦廣延四方豪俠公是時尚混跡於商旅贊甚巨稍可以佐軍需而胸有甲兵又勃又歆逞者遂謁諸 當事當事者試之策論議風生吐如懸河言如中窾各島

形勢公微貴賤時涉歷已遍跳梁者橫行肆出彼且鸚鵡視我
度不能出沒波濤擐甲與敵豈知公波濤熟習奮勇敢先乎際
此餉匱悉傾囊挾以給噉又諸勇士 當事者遂授以都閩專
督運儲公竭忠貞之力舳艫啣尾於江洋餉得以濟士飽而用
命海氛晏如公之功偉矣文墨吏論功議爵多庇所私而公不
膺 異數顯揚之念頓挫乃飄然賦歸歸而雙白尚膺康祉我
冠博帶拜舞膝前携異域之海錯山珍聚昆季於華萼樓中以
薦兩尊人觴和順怡愉孝友之至不知手舞足蹈其鄒魯之遺
風乎三徑不荒公得以茂植名花奇卉與二三舊知尋五戊之
鷄豚盤礴泉石間命酒飛觴卜白卜夜性素慨予周人之急不
啻人之取諸寄然又無纖毫德色惠施廣而誦德者亦廣夫古
今稱食德之報者艷欣實桂之五枝而公舉子如之魚魚雅雅

力學與遜末者各擅其長將大其世而公之一竿風月龜組雖
解而鴻聲尚傳於齊魯紳士之口居今之世其身名兩全者非
公其誰與歸

昔

崇禎壬午候之推元

賜進士出身文林郎福建道御史

郡人金蘭頓首拜撰

孫百會
何年言
方之
日

鳳羽張君行紀

晉六十三

語有之士君子生於熙寧之世則奮跡清流明經而芥拾青紫
生於騷攘之秋則挾家武弁論功而肘繫組珪不如是則焉用
此七尺軀哉余未第時懸絳暨陽鳳羽張君庠名師黃原名憲
網者時時過從以詩文獲交知己蓋嘗遊觀乎廣大之域肆志
於六藝之林發其才情馳驟上下而行厚辭深恢然有古人
氣局就試有司衡文者不別連城輒幡然曰珠沉滄海遇之阿
兮其如之何會

廷議者云緩治以文戡亂以武兩者經緯而可以奏奠安之効
聖天子可其議崇尚武備一時英雋雍、挾策令與章縫業明經
者等蓋赴、于城從昔咏之、向鳳羽以此發軔習精韜略不專
籍紙上風雲氣吐虹霓且饒有胸中兵甲鷹揚飛捷轉躬而出

張氏會稽書


人頭地矣且和衷謙下殷阜世席而公家之翰獨先於異遁
族有義舉非鳳羽不倡其事二人也里黨以孝稱者與曾閔並
傳胸無埏垝言不綺訥有不平而來質者無問豪右式微必裁
折於情理之當而笑解而去者比之元配陳淑人端良窈窕蘭
蕙齊芳佩解瓊琚聲和琴瑟事舅姑之柔順不獨極調於其旨
間而所與必請皆先意迎之待妯娌不惟詞色間謙謙自抑不
惠施於不足者簪珥屢解減獲有不善役使者鳳羽欲過督淑
人則解止之曰此等蠢愚無過亦何其役於人也其寬仁如此
歲每業必厭人欲倍值不較人德鳳羽者咸知淑人內贊之
功也翩翩三鳳篤志下帷將來齊奮扶搖之翮鳳羽抱不世出
之才而又享倫樂得全之盛際此奴証於外寇嘯於內一出而
展其音如所云肘繫組珪者直唾手事矣予聞其出資以修家

乘賢足紀也因忘不斐聊以揄揚萬一云

音

崇禎癸未候之金吾不禁

烏傷舉人陳聖祈頓首拜贈



贈 文學君佩張子行紀

文學張子余所拔士也暨陽東演世其家名益初名國斌君佩其字碧虛其別號也之無蚤辨當時以任童稱垂髫揣摩菽圃濡吮儒林父名世劬貲鉅一邑今之所稱陶朱者此不足重但余署邑事適遭歲凶僵尸蔽野啼饑號寒者比之世劬捐貲贍粥都鄙藉無菜色誦聲四達伏羲者從風余得免奏流民圖於當宁世劬功之首也諸事厚施留心義方之訓遍買經史於樓牛汗棟充諸子中獨喜君佩質慧歲懸絳帳以延名士看核豐腴贊束必倍於儔伍君佩敏而又善於領略學富縑緗氣冲星象前之赴試每不遇夫別夜光者拾一芹如登天庚辰學使者許 按越掄材余愧非人倫藻鑑然幸而攀蒲弓可循故事而不羅一鳳哉暨陽又稱材藪即矢諸天日曰春風桃李

將來培成上苑之花必翻閱再三令珪璋之必麗日選雋若干
以送

郡公與

學使者二公於余所薦不相低昂識者謬許余勤心造士頌起
菁莪謁

聖之朝環橋觀望者喁觀握衣東序謂為遠追漢帝臨雍頗稱
一時美觀迨壬午余有事棘闈璠璣與砥砢雜陳於前稍一失
眼安傳和鉢於是口詮心譯舉迺得人然舉者之驥足已舒而
念及君佩資邁神王亦是箇中倫品巋然遠大之器時以藝相
看證綵霞絢錦浸之有日進之功余惟勉之鴻才驚放異日若
風雲鼓鑄琬琰鮮新自然蓬萊脫骨余聞東演向乏一弟子能
披蟾窟之天香羅龍津之春碧一破東演之天荒方今海宇奴

証於外寇嘯於內余與子得相期展抱以紓

朝野憂此倦又得人之雅意可但曰得一人以為陸庄地哉爰書
之以訂他日之盟

昔

崇禎壬午侯之日添宮線

賜進士出身文林郎紹興府推官

友生陳子龍撰

孫百會
加宗言
卷之三

叙君佩文

余與君佩交自垂髫始也跡其幼儀宛然有左避風於斯時也志已辨年始華不淪匪彛不即慙淫所務惟典籍中事耳故案無漏簡目無遺詮任意觀之無師心不解之句及日製成章條々累幅殆所謂文異水而涌泉筆非秋而垂露少時已然矣茲都人士衆切景慕久擬其為文中之龍文中之虎暨戴而弁燈寒帷暑多歷年所竒書秘簡多悟益宏君佩以為未也顧躬儔伍中猶切方外思慨然曰吾村處荒落少所觀摩抑不知其居何等也遂遊遨古吳境羅山川軼秀結當代魁英異人異書歲時增盛嗣言歸屢試不出四五芹之採澤宮僉號得人手其卷者如饑十日而適逢大牢君佩於此更自振勵橫經白髮際推尋枝氣間倫敦樂地較之澤沅湘而遊二酉不啻也爰作事父

文以勗諸昆季曰父年六十亦云邁矣為子者可不以父之心
為心耶蓋吾父不幸遭二母之變猶幸長六子之枝兄弟無故
樂也念父母俱存悲已然母已羽化奉養無由少進晨昏無煩
定省惟盡心於表墓立祀間使母幽冥中嘆后嗣之有人也幾
得之矣若老父在堂猶未至髮白齒落督農有餘力也教子有
奮志也鄉族美其斷爭訟賴以和作事不委靡立心甚忠厚殆
吾族中傑出者矣盟諸兄弟得幸而為父之子長焉次焉幼焉
連支同氣伯仲孔懷蘭比馨而松比盛不甚休乎務宜兄之是
者弟不得而非之弟之非者兄正色而匡之直之盃酒盡父歡
數孟竭子敬啓口不忘舉步不遺母任失禮事母萌背道心弔
苦人克驕侮氣謹率子弟書聲弗絕耳時而力可為出持公以
處平鄉族不能寧閉戶可也謙卑順遜寬裕慈惠兄愛弟仁以

睦伯叔以寧妻孥俟吾父油然而樂家庭晏如使親朋里黨族
屬咸稱禮義仁人忠恕君子家聲休昌詩書隆茂其所以事父
者爲何如哉敬傳之紙兄弟各銘座右朝夕念之毋忽又率同
姓有志講習古祠內成美深心無辭善誘誦讀之餘怡情巖水
斯誠文章羽儀吾道干城焉時值高俊屬酒吟詩移晷不輟和
吉之度依然有故人之情及值不經則廐中無悍馬目前無亂
絲義形于色殆不可易所云惟惠惟威乃圓乃方莫此之過今
余復接鷄窓受益亦孔庶矣緣思其勤秋之孤冬之爐時相推
焉爰狀其文垂之于和之七貴相似焉爰鏡其品禮之有樂之
情風人之致理相肖焉有美如是美詎弗揚異日奮其垂天之
翼萬里猶一就也豈曰匪風之發而東羽欽翅者一如瓦雞之
視而已哉余甚爲繼日慶也多多云

子
百
會
介
宗
言
卷
之
一

同里府學辱愛弟呂仲仁撰

贈 張母陳淑人傳

易有之家人利女貞自古尚之矣靈瑞所鍾淑儀垂範若張母
陳淑人者蘭綉玉暎少憲姆儀東源翁鍾愛特甚經史烈傳講
解於香閨曉暢大義笄而歸於張繼渠甫繼渠甫慧質鴻抱不
少自期待閨以內織巨弗問也一切淑人力肩之而繼渠甫得
篤志董帷晝騁鑽玄之思夜堅忘寐之勤神疲於用竟染不起
之疾淑人罄脫簪珥以充醫巫費戒笄以身代者昕夕益虔詎
蒼又者不眷德竟以玉樓文召將舍時執手與訣曰吾啣晤一
卷家計蕭然雙白在堂菽水奚備指腹中瑞叮嚀之曰天如鑒
吾祖父世存方寸倘是英物此子也將來才吾受汝之賜此子
也否九京之下悵快何其淑人默之而識視繼渠甫舍也志必
從諧黃壤躡踊絕粒奄又一息將絕而甦又而復絕不知凡幾

老姑扶力而慰諭之斯時也後事重如九鼎一死輕如鴻毛淑人熟審之勉襄大事情文中乎禮節鄉邦來吊者誰不贊嘆嗣是殫志辛勤雙白其脆皆自十指中出越月而熊羆兆試啼之下識者賞其不允淑人私自慶幸之曰張氏一綫延之有人矣乳哺時即不近嬉戲之場雅有三遷教而斷機而熊丸費盡多少苦思有謂此局難終淑人大慟而告之宋有陳氏嚴詞以答不諒其志者養人雙白而不能終許人以諾而不能信異類之不若矣未亡人即不敢竊擬前淑仰瞻雙白誰代之養呱又塊肉誰撫而成匪席匪召以終此局焉雙白相倚為命課子亢宗語曰將飛者且伏將泰者必否繼渠甫留不盡以貽後人而名將軍諱紳別號振南者善讀父書英氣騫雲母促之捧檄而將軍曰兒且竭力以供子職報國之日且長爾及淑人享有中壽

全全歸名將電喪葬間戚易俱至靡瞻匪母痛不能割築茅簷
於墓側依依寃夢如入大隧侍母融洩儼似生前生孝死事俱
堪編史淑人之純孝其食報矣淑人之壽雖不如日之升如月
之恒而盛名則與日月齊光如

中尊洪公嘉旌之曰開化完貞復益以美譽曰弱齡矢節而冰
霜垂白不渝乳腹培孤而貞壽含飴可表

刺史 公旌曰從一持操

藩憲 公旌曰旌揚貞節

袞褒屢又諸名紳詩帙贈章皆非溢美者夫宋之陳氏

英宗旌廬以彰令德今陳淑人為於不可為之時事更有難者
方今

聖天子隆禮節孝將見

翩翩木鳳不久而御詔暨陽道矣余不惜齒牙餘論以揚之
朝宁不斐之言俟采風良使為陳疏之據云

昔

崇禎壬午候之菊傲霜

賜進士第通議大夫詹事府兼翰林院侍讀學士

山陰朱兆栢頓首拜撰

贈節七十七張母湯孺人傳

余與文學君佩硯交有年余雖先着一鞭時相聚首譚生平未嘗不肺腑傾瀉也君佩彩鳳文飛精神挺動望者咸知為不义池中物一日忽談已出夢蘭余訝而問之君佩曰余外大父得吾母婉孌之稟不倫凡女揮霍之能居然巾幗丈夫擇人而字一僉謂家嚴席有豐阜不假拮据之勞是可依也又行誼植德植德者必昌後遂不問娶否即以母氏歸母氏之歸也人謂生長豪族宜不能下乃即善下與嫡居柔媚將順數十餘載無間言事家嚴恭甚一羹一饌必躬調而進之閭以内纖巨力肩無一不中機宜及會計出入綽有成筭養嫡以逸而嫡亦不以爲事也禮義生於富足家嚴產倍中人酬酢繁劇母氏操縱有方燕享蒸嘗必莊必敬有鬻產者勸家嚴以倍值備珍錯以厚款之

彫新華棟雅能庀材鳩工廩餼無不足以厭其欲者今阡陌差
擬輦飛楹棟亦稱藻飾母氏竭精疲神勞頓不可勝言者吾二
三兄弟享有今日曷勝追思余聆言而始知思山君貲巨程羅
也蓋資於湯母居多夫湯母慧人也瑞君佩而知有子異日得
以子貴膺榮大九以子貴者皆有貯於帝所者也簡狄之握郊
寶太君之夢日咸若有神物焉思山君富而行德諒亦有得於
帝焉天歆福善於張則不得不生君佩欲生君佩則不得不畀
湯母君佩驥足方展湯母何不及待而視其騁步天衢也嗚呼
芳蘭易折余深為湯母痛聊闡懿行以佐旌揚之左券

昔

崇禎壬午候之嘉平

賜進士第奉直大夫工部都水司員外

山陰楊菴朱錫元拜撰

贈 張孝婦金孺人行述

孝婦劉氏為耆德金承溪公之愛玉生而玉映兢爽蘭儀爭濯
女紅雖母氏授巧更冠倫時求父氏講解女誠允墳典中有關
賢孝芳範人所不能為者孺人大義洞晰筭而歸於張紹南甫
聲和琴瑟佩解瓊琚略無百輛麟麟習氣其如晏子曰夫義而
和婦聽而婉禮之善物也至舅氏振南翁伏劍荆南紹南甫其
冢君也家之督百務身膺况殷阜之家酬酢繁冗孺人於閭以
內綜理有條而紹南甫毫不煩於內顧竭備其脆以佐夫子承
菽水懽振南翁賢勞 王事孺人得以肆力定省左右不離蔡
母姑側一夕蔡染沉疴醫巫之費紹南甫已無遺力孺人籲天
戒筭疾益奄又明星之夜焚香虔禱割股片嚙以進一七入口
不啻上池之水蔡母姑頓有起色孝足格天如此懿行可師其

大姑適斯氏者效法芳規亦延姑筭孝婦錫類弘仁德莫大矣
彼蒼眷德錫英物者四而長君子聞年方垂髫學富雕龍指日
可奮圖南之翮者且其自負每曰母氏致身大母何減女中堯
舜吾聞江北李媪割肝救姑曾荷

楓宸異數予小子僻在鄉閭苦於不脛而飛倘得一當自來

旌典如不攻苦何以為揚母地猗歟盛哉有是母必有是子從
來鳳毛振起孰非名母之開先余言不足為母重家之乘猶
國之史附於乘末女史實錄其可備採乎榻管書之如此

昔

崇禎壬午候之書雲物

賜進士出身文林郎福建道監察御史

山陰金蘭頓首拜撰

贈 廣甫張隱君傳

隱君諱澤姓張氏字廣甫別號 為宋學錄公期公之六世
孫生有美質敏慧踈通剛方之介得自天稟弱冠肆力於學出
入六經子史言凡算數刑名之屬靡弗旁究及議當世之務言
如貫珠皆根於先代典故見之力行恢又有餘地凡遇事必理
之是者從之所見既定雖萬夫不能挽之易慮也志務大展以
卜築社姥數世而來猶是草創迺庀材鳩工新其第宅雕題畫
棟大稱美觀肆闢疆理環而社姥之境不滋他族得逼處此者
隱君恢擴之能也宅心仁厚恒以利物為己任不獨饑與寒者
施推解深仁遇有急需扣靡不應 邑侯以隱君富甲一鄉且
惠與廉時人無兩命之總一鄉貢賦蚤夜急公貧不能應者每
每為之代輸即有負者亦容之並未一伸於公門也平居容止

凝重不輕色笑不妄交游好德之念出於懿秉見賢焉則揚詡
之有逢人說項之雅見不賢者則謹避之而若有浼性好解排
里中不平不之公庭而之君亦有望門墻而慚去者不臧王彥
方陳仲弓重望尤善納交士夫君子揚扆今古有所得則喜形
眉睫聞見用以廣而智識益明生養二人饌極鼎盛及歿毀幾
臧性殯葬一遵禮度尤篤友愛庭無間言子弟中不獨訓如已
出有不能婚者必贈聘以遂其有家自奉甚約食鮮蕪味衣不
尚純綺一臨不義之財雖累千百弗介意也社姥靈巖為先
名臣胡公下帷處歿而數又顯跡君即割山與腴田為之廟祀
捍災禦患與望雨暘禱而屢驗 神庇一方即隱君惠也造福
於人者必先膺其福是以君優游晚景蘭桂統堦振起學錄公
之門閥也余與隱君意氣若平生夙羨公生於殷阜之家而能

以清約自守出際


聖明之世而爵祿無所於干誠所謂生力於為善而沒能泚聲光於永之也擗管以吊愧不能揄揚萬一云

皆

大宋咸淳乙丑仲冬之望

賜進士第承德郎台州司理推官

邑人徐元善頓首拜撰



明故 順八彥德張隱君偕元配俞淑人合葬墓誌銘

隱君諱仁姓張氏別號金山順八其行而彥德其字也宋學錄
公期公後人數傳而茂林公治郡有聲為時名臣曾大父崇九
府君大父恭七府君父成之翁皆席素封而適志林泉者隱君
生而奇邁鳳穴振儀就塾而端几朗誦涉獵經史寒暑靡間繼
力於文章試而不遇夫別夜光者惜者謂為風氣所錮隱君則
咲而自遣曰雄飛雌伏宰物自有權輿乃益沉潛下帷紳士夫
欽羨學足以為人師爭相請以矜式子弟弟子北面者屢滿戶
舌佃以養兩尊人具其毳甚腆尊人撫鬚鼓腹其樂融又業此
一經豈惟懽盡菽水且先達葛太師有言九腹如邊笥者引誘
後進將來培植棟梁亦報 國之一大端也不獨群弟子奉以
為則而一段溫雅之度猶足以範俗諸少之不檢者罔敢以列

隱君之側一夕父成之翁恙抱沉痾隱君衣不解帶廣延國手
蚤夜精究肘後仙方竟不能一獲起色乃虔禱於 胡聖割臘
一瓣調湯藥中以進須臾頓覺神恬氣爽傳孝之至者如李健
齋剖心救母操刀小廟中血濺佛座佛放慈度大毫光而隱君
禱於 胡聖時事大有相符者 賢有司扁旌曰全孝倘升聞
楓陛則坊表如李健齋矣元配俞淑人初歸於隱君夜績必至丙
夜以佐讀杼軸之聲與唧唔之響閭里欽聞兩人不減鹿門友
之致閭以內事隱君無膺心也世業原殷益以隱君之束幣淑
人女紅天巧手織苧帛價倍於機絲歲每置產若干隆棟飭者
飭復建華廈不惟燕翼永貽且有以廣庇寒士矣隱君生於弘
治庚申八月十九日未時卒於萬曆戊子四月初十日巳時俞
淑人生於弘治癸亥四月二十日未時卒於萬曆癸未四月十

六日戌時合葬於張裡塢之原皆遐齡康祉而介眉壽矣丈夫
子三洲湖潛女一適任瀟孫男九十一人蕃榮華蘆蘇萃葛皆
淵出芳藪英蒸皆湖出隱君樹德務滋其有明徵乎余文不斐
何以揚隱君懿德重諸孤之請乃為之銘

銘曰


以君之藏彩兮在璞之瑛璜以君之純行兮孝已格
於穹蒼銘之佳城兮鳳與凰雖口兮隧壤千秋之後
兮相輝光永無忘

告

萬曆戊子侯之桂榮

賜進士第出身承德郎禮部祠祭司主事

養生盧洪珪頓首拜撰



褚姚良二仲高張處士墓誌

處士諱湖氏張別號應寬仲高其字良二其行也世系世德俱
詳乘中不復再贅父彥德翁文行表著且樹德行義世稱長者
次舉處士生而局度不凡垂髫而器識超卓彥德翁充棟詩書
鍾情處士而望其讀處士能仰體之日不輟誦夜多忘寐彥德
翁於過庭時嘗語之曰讀書而不達諸用記誦之末爾允覽過
子史必身體而力行之乃真學問處士聽而唯又上事二人一
如孝經儀則先意承懽晨昏不少怠接納應酬無有不適其宜
者親賢樂善兢之惟恐不及居平無疾言遽色人或加以不堪
漫不與較其顛倒是非者處士徐以義理曉之辭氣從容不激
不隨聽者自然敬服勤於治家綜理調度皆有準則自謂善養
生者惟取天之所為資不奪人之所有以為利雖倍於父

之所析皆從有道生財得來雙白年暮日竭肥其以為養彥德
翁割股報父而隱君幸雙白之康社扇枕溫衾寒暑效之時人
慶彥德翁曰簷滴不差亡何天不祐德致隱若先皆二人親老
子幼曷勝悽慘所幸者四子皆亢宗良器冢君曰芳者弱冠而
長才揮霍隱君將含執手與訣身後事了無一語惟有懷二人
劬勞未報生我之謂何抱恨九地不獲盡志長往也隱君生於
嘉靖壬午三月二十四日午時卒於萬曆癸酉三月二十三日
未時享年僅五十之二塋於前山塢中崗之原元配朱淑人祥
順稟性閭德孔宣奉侍舅姑以代隱君子職而雙白得以怡愉
耄耋期願陶又晚景孝行不間於人言且痛夫子創業未半中
道騎箕而拮据以昌大其業訓諸子以有成巾幗丈夫淑人似
之宜享九如之遐祉也丈夫子曰芳曰藪曰英曰蒸女一遠


盧存省有隆無替皆隱君積厚而流長也余與隱君硯交有年
仕路馳驅契濶云久不謂遽棄我而長往其孤芳走都而乞誌
余不勝故人之痛生死交情敢不搦管而誌其槩俟名言者為
銘以彰全德云

昔

萬曆癸酉候之隕霜

賜進士第承德郎禮部祠祭司主事

養生徐子器頓首拜撰



明故 義三龍川張隱君行狀

隱君姓張氏諱芳字

龍川其別號也自學錄公期公發祥

社姥代不乏人曾大父成之翁疾篤大父彥德翁割股進一此而甦遂享遐筭孝聞

朝野父應寬翁壽不配德隱君其長子將舍時執手與語曰吾雙自在堂不盡子職事誠在汝時隱君方弱冠勉勤大事情文兼至色養二祖一切家政不煩母氏心撫三弱弟少而教長而娶以孺人盧氏出也嫺柔婉順足法姆儀二三昆季皆爲之受室於盧天顯友恭內外協順析產而均諸弱弟以其私還讓於隱君而隱君正色謝絕諸弟不敢再遜幼弟蒸天隱君猶子相呱爲其擴業俟能成立悉一一清付不孤九京之望鄉鄰待而舉火者扣靡不應天性靜默口絕雌黃惟公義足以服人諸

來質者片語心翰

胡聖殿檀樾隱君巨擘也殘膏不染歲積以置香田新廟貌今
耗蠹而頽遐邇朝拜者誰不追思隱君志不羨榮顯而高誼升
播 前令郭公旌扁舉賓雖不及

蒲輪之召而令名亦永矣然隱君秉幾先之哲自謂世著潛
德慶餘寢昌于門應高迺廣為旋馬之居今三鳳翱翔諸孫蘭
茁兆將有徵最奇者預知辟穀之期數日前為已治後事語諸
戚屬道生平無遺行今而後可無遺慮不越數日果得全歸
焉隱君知幾其神乎卒於天啓辛酉九月二十六日巳時距生
於嘉靖辛亥八月十九日戌時壽躋杖 國矣元配盧淑人閨
德可方姬姒尚享遐齡未艾也丈夫子三國勲國正國烈皆恢
隱君之業而光大門閥者孫男五人有德勲出有道正出有桂


有仕有學皆烈出女一適余猶子王 焚巢之鳥寄食籬下
感而哀慟若諸孤不遠數千里乞余言以表隱君不朽余即簿
書旁午哉因其請之堅而狀其槩如此

昔

天啓辛酉候之一陽生

鄉進士中憲大夫知湖廣常德府事

眷侍生王嘉亮頓首拜撰



明故 友禎張處士暨元配盧淑人合葬墓誌

友禎張處士以萬曆戊戌四月十五日酉時辟穀去屈指於今
凡四十六載矣淑人盧迺以

今上崇禎壬午 月 日 時從友禎處士於九地其三孤舍

哀竭誠口兩尊人之懿行而丐誌於予予得傾耳而聽之處士
姓張氏諱藪別號 友禎其字義六其行也為學錄公後人

刺史公遺經猶在數值陽九處士生而丰骨冠倫少負大志抱
材雅稱越國惟父氏創業未終而遽賦鵬處士弱冠稱孤矣遂
以父事事長兄言則諾唯行則步趨素封之家公私紛如兄固
不辭勞處士必身代之不得不致身於碌碌而鍾鼎之念遂分
而不專友愛二弟分其讓產一一仰體母氏心華萼樓中一疏
一觴兄酬弟勸人世倫樂莫有逾於處士者食指繁盛不獲已

而荆分華棟膏腴必兄若弟擇罷而後取無一毫高下形諸詞
色遇有格言懿行獎借津之觸目困乏無不引手者壯志方欲
大展而玉樓文召處士福善之彼蒼其有知耶廬淑人德媿姓
姒非笄黛中所可更僕見也于歸舉案賓敬如一日雖曰人作
之合實天產此芳蘭美玉以昌大張氏者蓋能家之婦非全材
不足以悉辦淑人於友遂公之生前佐理咸宜而友遂公義聞
得以日彰及友遂公之不祿向平之債未畢者淑人畢之孤闈
四十餘載茹荼自甘而家業之隆起倍於友遂當日皆出淑人
機杼中也生於嘉靖甲子五月初一日卯時卒於崇禎壬午三
孤開處士之穴合窆焉犬夫子四長國佐蚤世次國泰以公忠
服人三國綱縈行瑛璜可似持素以延母筭其慈祥愷悌真須
達後身四國常孫男凡三有勇有豹有資皆英物俱常出者女

一適

遡處士之生則嘉靖丁巳十二月初七日戌時得
壽僅四十之二人惜處士之不延于筭而今之子若孫皆昌熾
振振迺知處士留不盡以貽後人也是為誌之如此

肯

崇禎壬午候值競渡

烏傷舉人王士元頓首拜撰



明故 義卅一見山張隱君偕元配盧淑人續娶呂安人

合葬墓誌

今上崇禎戊辰八月十八日未時見山隱君辟穀去其孤國卿踵
予門而乞誌曰先嚴不幸長謝故人倘不鄙夷仰賜玉唾以光
泉戶則存歿皆結草矣予與隱君交誼最深不得以不斐辭迺
即其所捧行狀詮次而誌之隱君諱英姓張氏字子秀見山其
號義卅一其行也自學錄公期公發祥於先刺史茂林公紹休
於後嗣是代多潛晦隱君六齡稱孤隨二兄勦大事哀出繇衷
人目為英物故命名云稍長有大志嘗曰居今之世寧舒翼揚
聲如雲中之鴻乎寧隱鱗藏彩若淵中之龍乎二者惟時所適
會事與志殊萱堂春秋日高家政繁重隱君弱冠即身肩之以
母氏靜攝可葆天和也析產一聽兄弟便孝友聲著且五常六

行純修無歎而勤施廣濟嗜善不倦戚里交游誰曾鼓雌黃之
口表正鄉俗 前令郭公聞其能舉為一鄉之正邑所不平一
任處分歲饑罄廩以周不能舉火者不及人人濟乃狀民間菜
色屢陳於 仁侯張公出公帑以贍數萬人賴全活者誦隱君
之功麻車埤道通台紹一水盈又人多病涉君捐資以給募化
仍厚助以倡義利涉之德君其首推中道斷弦元配盧淑人矚
其善視二子隱君矢志成義不謂家務日弛宴饗鮮度勉從族
姻之勸續才而賢者呂淑人未舉子時君新 胡聖廟貌是夜
賜兆宜男果而召燕投懷佳郎國鄉芳齡玉立 神之麟錫將
來必高于門者隱君享壽將杖 國益懋晚德施棺以澤枯骨
夫誦至仁者曰孔聖而事質於脫駝君媿其美不於其身而於
其啓祐後人宜何如隆盛哉隱君生於嘉靖丙寅三月三十日


亥時元配錦溪盧淑人。生於隆慶己巳五月二十一日午時生。二子長曰國賓，登萊千總，終於王事。次曰國相，續娶呂淑人。生於嘉靖丙寅正月十四日辰時卒。於天啓乙丑十月初七日丑時合葬於黃東山之原生。一子曰國卿，即今之請誌以闡揚父德者。孫男六人，有仁、賓、出、有志、有相、出、有廉、有彥、有傑，皆國鄉出。珠玉盈庭，聿光先業。皆隱君慶餘也。余倦飛知還，方將招僮僮之流，邀隱君以習無生，乃棄我而去也。曷勝悽其不斐，不足以盡懿行之一二，聊以伸掛劍之誼云。

昔

崇禎戊辰侯之桂馥

鄉進士文林郎知淮安府贛榆縣事

眷生李能蕙頓首拜撰



明故 正十一順之張處士行狀

嘗謂孝思賦曰虞丘感風樹而長悲一志捨生又讀天性篇曰
生之育之顧我復我欲報之德不可方思每嘆今之立名生孝
者往又受

褒綸之異數而閭巷之苑孝不能不脛而飛多致湮滅識者惜
之余友人順之真稱死孝不表而出之何以待

特旌也順之姓張氏諱國正別號 順之其字正十一其行

也為碩德龍川翁之次舉子生而英邁為母氏盧淑人所鍾愛
秉懿至孝孩提進菓有古人風披閱經史允涉於孝友者輒心
識而座銘之坐是依徊二人之側不敢遠遊名利兩途蚤已勘
破為身外物專力農桑以鷄黍之逮親存為天倫樂事兩尊人
迎養有三過從處士頗數又喜相謂曰非私此子但覺此子夫

婦酷知我痛癢嗜好爾龍川翁既壽全歸哀毀備禮幾至滅性
獨以母在留此一息曲意承顏敬將倍昔盧淑人甚遒晚景但
上壽已歷人瑞幾何抱疾坎坷而處士孝同符表侍省晝夜數
月而不倦勤母一食處士亦一食母不其食而處士亦忘餐母
絕菴而處士至痛成疾猶苦塊於淺土之旁三載而祥喪禮
既盡即同符孝子之殞矣嗚呼惜哉符孝子荷旌名留青史處
士孝行雖一時誦贊人口安得達之


楓陛耶况處士質行恂恂如處子身若不勝衣不輕言笑遇事
理之當剖即援典故津以曉之見窘迫者傾橐以拯視世之
脂田美屋陳之相腐之積而坐視姻黨之瘠墨不可同日語也
桂醪在尊交歡知己周顥之晚菘早韭處士極得其趣心鄙昔
人李贊皇丹砂寶石雜投鼎羹其安素如斯元配盧淑人才綜

內政事：協宜處士得以毫不掛心多勞而神耗竟先皆處士
去老母在堂其脆莫調不得已而奪義盟續瞿安人者以養老
母老母赴瑤池而後先皆隨侍矣處士生於萬曆丁亥正月初
八日亥時卒於崇禎丁丑二月二十七日卯時殯於大園廬安
人生於萬曆丁亥三月初七日子時卒於崇禎己巳七月初八
日申時續娶瞿安人生於萬曆戊子八月初九日亥時卒於崇
禎己卯十二月二十六日戌時丈夫子一曰有道女二長適單
新澤次適郭鍾涯皆廬安人出者處士雖往有子亢宗不獨昌
大而家即今請狀之志將來騁步必為請
坊旌矣余齒牙餘論寧敢惜哉

昔

崇禎壬午候之陰謝

烏傷舉人陳祐聖頓首拜撰



贈 社姥仰川張隱君行紀

余讀記載心賞富而好行其德者近得之仰川張君君諱國勳
字建之仰川其別號學錄公菴有社姥刺史茂林公丹顯其先
君素抱接武志少即乾又力學會精群經道潤既含才華朗發
家庭之間惟務樂豫二人心志傳玄有云古稱魯閔今有何荀
今則可謂古有何荀而今有仰川君矣處二弟同被推第又有
古人高風行誼升聞於 邑宰舉以為一鄉之正今之正固古
之鄉嗇夫也其權與令等重化俗歛賦稍有偏執官民皆不相
安君惟秉公俗睦而惟正之供不缺訟簡刑省若固大有造於
一鄉也會洪水肆虐濱溪膏腴半屬波臣 邑侯以君才而公
復委之清勘履畝繪丘不容纖私衷多益寡筭無遺策田沒者
賦捐而 公家之課原額依然版籍既定兩利公私昔蕭相國

入關先收圖籍夫亦以有人有土乃 國家重寄君條析此重
寄而井又可核碩畫長材真出人表 胡聖雄殿君世為檀樾
覬覦殘膏者欲挿而入君不愛心力剖陳 當道而廟貌得以
常新今甲子周天矣 神之還報繁祉時錫康壯踰於年少日
有事於分梅種竹移菊蕝蘭蒔茶採藥以其餘而料理桑麻性
好登眺日手郭璞秘書游行佳山秀水間牛眠馬嘶將有所得
其秉懿方寸地益懋培之借譽者不啻口出待患者必免於饑
寒千金一諾信宿不渝韵客造門必以名香清酒為供杜淑人
鼎族名媛宴饗必豐皆習自閩教佐夫子以義施則不靳簪珥
廣其結納肴錯山海之具無不以供款洽而仰川君義聲旁暢
淑人相助之力居多肖子雖一夔高尚之志雅稱象賢不獨守
成而且大創蘭孫垂非可與任童比慧君築名園懸絳帳延名

